



SIAMBR APELIADAU GWEINYDDOL
YR UWCH DRIBIWNLYS

Stamp swyddfa
(dyddiad derbyn)

CAIS AM GANIATÂD I APELIO

a

HYSBYSIAD O APÊL

O Dribiwnlys Haen Gyntaf (Siambr Hawl Cymdeithasol)

Rhaid i chi wneud cais i'r Tribiwnlys Haen Gyntaf am ganiatâd i apelio cyn llenwi'r ffurflen hon.
Defnyddiwch y ffurflen hon

naill ai (1) **i wneud cais i'r Uwch Dribiwnlys am ganiatâd** i apelio os yw'r Tribiwnlys Haen Gyntaf wedi gwrthod rhoi caniatâd i chi apelio, neu os na dderbyniwyd eich cais gan eich bod yn hwyr neu gan nad oedd gennych ddatganiad ysgrifenedig
neu (2) **i apelio i'r Uwch Dribiwnlys** os yw'r Tribiwnlys Haen Gyntaf wedi rhoi caniatâd i chi apelio.

Os gwelwch yn dda Defnyddiwch inc du a llenwch y ffurflen mewn **PRIF LYTHRENNAU**.
Defnyddiwch ddarn arall o bapur os nad oes digon o le i chi ddweud popeth.
(Rhowch eich enw ar ben y dudalen os gwelwch yn dda.)

A

Am yr Apelydd

Lle bo plentyn neu umigolyn arall sy'n methu â gweithredu drosto'i hun yn apelio, yr unigolyn hwnnw fydd yr Apelydd. Mae lle ar y dudalen nesaf ar gyfer enw Apwyntai neu Gynrychiolydd.

Teitl Mr ☐ Mrs ☐ Miss ☐ Ms ☐ Arall

Cyfenw

Enwau eraill

Cyfeiriad

Cod Post

Rhif ffôn yn ystod y dydd

Dyddiad geni

Achosion cynnal plant yn unig

Os yw'r achos hwn yn ymwneud â chynhaliath cynnal plant, rhowch enwau pob un o'r partïon yn yr achos (ac eithrio'r Ysgrifennydd Gwladol). Chi fydd un o'r rhain.

Unigolyn â gofal am y plentyn/plant

Rhiant dibreswyl

Apelydd sy'n blentyn (Dim ond yn yr Alban y mae hyn yn berthnasol mewn achos lle mae plentyn wedi gwneud cais am gynhaliath cynnal plant.)

B**Am unrhyw Apwyntai a/neu Gynrychiolydd**

Oes rhywun wedi cael ei benodi i weithredu ar ran yr Apelydd gan fod yr Apelydd wedi marw, neu wedi cael ei benodi i weithredu gan fod yr apelydd yn blentyn neu'n methu â gweithredu am reswm arall?

Nac oes ☐Oes ☐

Enw'r Apwyntai

Cyfeiriad yr Apwyntai

Cod Post

Rhif ffôn yn ystod y dydd

Oes gan yr Apelydd / Apwyntai gynrychiolydd?

Nac oes ☐Oes ☐

Enw'r cynrychiolydd

Sefydliad
(os yw'n berthnasol)

Cyfeiriad y cynrychiolydd

Cod Post

Rhif ffôn yn ystod y dydd

Cyfeirnod
(os yw'n berthnasol)

C**Am y Tribiwnlys Haen Gyntaf a benderfynodd ynglŷn â'ch achos**

Ym mhle y gwnaeth y tribiwnlys y penderfyniad?
(Nodir hyn ar hysbysiad y penderfyniad.)

Beth oedd dyddiad penderfyniad y tribiwnlys?
(Bydd hyn hefyd ar hysbysiad y penderfyniad.)

Beth oedd rhif cofrestr y tribiwnlys?
(Bydd hyn hefyd ar hysbysiad y penderfyniad.)

Oes gennych chi ddatganiad ysgrifenedig o resymau dros benderfyniad y tribiwnlys?

Oes

☐

Pryd wnaeth y tribiwnlys ei anfon atoch?
(Y dyddiad ar y llythyr a ddaeth gydag ef.)

Nac oes

☐

Nodwch pam

Os hoffech ddweud mwy, defnyddiwch ddarn arall o bapur

D**Rhesymau dros unrhyw oedi**

*Sylwer: Rhaid i chi wneud cais i
Dribiwnlys Haen Gyntaf am
ganiatâd i apelio cyn llenwi'r ffurflen
hon*

Wnaeth y Tribiwnlys Haen
Gyntaf wrthod derbyn eich
cais gan eich bod yn hwyr
neu gan nad oedd gennych
ddatganiad ysgrifenedig?

Na

☐

Do

☐

Oes mwy na mis wedi mynd heibio ers i'r Tribiwnlys Haen Gyntaf anfon
hysbysiad atoch ynglŷn â rhoi neu wrthod caniatâd i apelio neu hysbysiad
nad yw eich cais wedi cael ei dderbyn?

Na

☐

Oes

☐

Os mai "Do/Oes" yw ateb i un o'r
cwestiynau uchod (neu'r ddau
ohonynt), dylech wneud cais am
amser ychwanegol drwy roi eich
rhesymau dros yr oedi yma

Os hoffech ddweud mwy, defnyddiwch ddarn arall o bapur

Rhesymau dros apelio

Sylwer: Dim ond os ydych yn meddwl bod y Tribiwnlys Haen Gyntaf yn anghywir ar un neu ragor o **bwyntiau cyfreithiol** y gallwch apelio (ac eithrio mewn achos cosb credyd treth neu achos cosb cronfa ymddiriedolaeth plant, pan nad ydych wedi'ch cyfyngu i bwyntiau cyfreithiol).

Nodwch pa wall cyfreithiol rydych yn credu bod y tribiwnlys wedi'i wneud

[illegible]

Os hoffech ddweud mwy, defnyddiwch ddarn arall o bapur

F**Cais am wrandawriad llafar o Gais**

D.S. Dim ond â gwrandawiadau llafar o geisiadau am ganiatâd i apelio y mae'r adran hon yn ymwneud.

Ydych chi neu eich cynrychiolydd yn dymuno cael **gwrandawriad llafar** gerbron yr Uwch Dribiwnlys bryd hynny?

Nac ydw

☐

Ydw

☐

Nodwch pam

A fydddech yn hoffi i'r gwrandawriad fod yn un preifat?

Byddwn

☐

Na fyddwn

☐

Nodwch pam

Sylwch: Os byddwch yn cael caniatâd i apelio, byddwch yn cael cyfle i ofyn am wrandawriad llafar o'r apêl yn nes ymlaen pan fyddwch wedi gweld yr holl honiadau ysgrifenedig yn yr achos.



Cais am ganiatâd i Apelio neu Apelio i'r Uwch Dribiwnlys

Rwyf yn gwneud cais am ganiatâd i apelio yn erbyn penderfyniad y Tribiwnlys Haen Gyntaf
neu

Rwyf yn apelio yn erbyn penderfyniad y Tribiwnlys Haen Gyntaf.

Awdurdodaf fy nghynrychiolydd, a enwir yn Rhan B uchod, i weithredu ar fy rhan yn yr holl drafodion gerbron yr Uwch Dribiwnlys.*

(* I'w ddileu os nad oes gennych gynrychiolydd neu os ydych yn gyfreithiwr sy'n llenwi'r ffurflen hon ar ran cleient)

Llofnod
Apelydd neu Apwyntai

Dyddiad

Ar ôl i chi lenwi'r ffurflen anfonwch hi i'r swyddfa briodol isod os gwelwch yn dda:.

Dylech chi amgáu copi o'r dogfennau isod gyda'r ffurflen hon (ticiwch y blwch)

copi o'r hysbysiad o benderfyniad a gyhoeddwyd gan y Tribiwnlys Haen Gyntaf,

☐

copi o'r datganiad ysgrifenedig o resymau dros benderfyniad y tribiwnlys
(os rhoddwyd un),

☐

y llythyr gan y Tribiwnlys Haen Gyntaf yn dweud wrthyhch ei fod wedi rhoi neu wrthod
caniatâd i apelio neu nad yw eich cais wedi cael ei dderbyn

☐

copi o'r hysbysiad ariannu neu dystysgrif cymorth cyfreithiol (os oes gan yr Apelydd
gyfreithiwr ac os yw'r Comisiwn Gwasanaethau Cyfreithiol neu Fwrdd Cymorth Cyfreithiol yr
Alban wedi rhoi arian ar gyfer yr achos).

☐

copi o unrhyw Benodiad i Weithredu (os yw apwyntai yn gweithredu ar ran yr Apelydd
neu os yw'r Apelydd wedi marw).

☐

**Os nad ydych yn anfon y dogfennau hyn mae'n bosibl y bydd eich apêl yn cael ei dal yn ôl neu
na fydd yn cael ei derbyn.**

Cyfeiriadau'r Swyddfeydd

Os cynhaliwyd gwrandawriad y Tribiwnlys Haen Gyntaf yn **Lloegr** : The Upper Tribunal Office,
(Administrative Appeals Chamber) 5th Floor Rolls Building, 7 Rolls Buildings, Fetter Lane, London,
EC4A 1NL.

Ffôn: 020 7071 5662, Ffacs: 0870 324 0028, Type Talk: 18001 020 7071 5662

DX: DX160042 STRAND 4

Os cynhaliwyd gwrandawriad y Tribiwnlys Haen Gyntaf yng **Nghymru**, neu os ydych yn byw yng
Nghymru, gallwch anfon y ffurflen i'r cyfeiriad yn Llundain neu i : Siambr Apeliadau Gweinyddol yr
Uwch Dribiwnlys (Cymru), Canolfan y Llysoedd Sifil, 2 Stryd y Parc, Caerdydd, CF10 1ET.

Ffôn: 02920 662257, Ffacs: 02920 376461

Os cynhaliwyd gwrandawriad y Tribiwnlys Haen Gyntaf yn yr **Alban** : The Upper Tribunal
(Administrative Appeals Chamber), George House, 126 George Street, Caeredin EH2 4HH.

Ffôn: 0131 271 4310, Ffacs: 0131 271 4398

*Bydd y Swyddfa'n rhoi gwybod i chi pan fydd wedi cael y ffurflen hon. Cysylltwch â'r swyddfa os nad
ydych yn cael eich hysbysu cyn pen wythnos bod y ffurflen wedi cyrraedd y swyddfa*



SIAMBR APELIADAU GWEINYDDOL YR UWCH DRIBIWNLYS

Nodiadau i Apelyddion Ffurflen UT1 (Hawl Cymdeithasol)

Mae'r Siambr Apeliadau Gweinyddol yn rhan o'r Uwch Dribiwnlys ac mae'n penderfynu ynglŷn ag apeliadau sy'n deillio o benderfyniadau'r Tribiwnlys Haen Gyntaf mewn achosion nawdd cymdeithasol, credyd treth, cronfeydd ymddiriedolaeth plant, cynhaliaeth cymorth plant, budd-dal tai a budd-dal y dreth gyngor. Mae'r Uwch Dribiwnlys yn cynnwys barnwyr arbenigol sy'n cael eu penodi gan y Frenhines. Mae rhai yn farnwyr yn y Llysoedd hefyd, gan gynnwys yr Uchel Lys.

Dylid defnyddio **Ffurflen UT1** i wneud cais i'r Uwch Dribiwnlys am ganiatâd i apelio yn erbyn penderfyniad Tribiwnlys Haen Gyntaf. Dylid defnyddio'r ffurflen hefyd i apelio i'r Uwch Dribiwnlys os yw'r Tribiwnlys Haen Gyntaf eisoes wedi rhoi caniatâd i apelio.

Dylid anfon **Ffurflen UT1** i swyddfa'r Uwch Dribiwnlys fel ei bod yn cyrraedd y swyddfa cyn pen **un mis** fan bellaf ar ôl y dyddiad yr anfonodd y Tribiwnlys Haen Gyntaf hysbysiad atoch yn dweud ei fod yn gwrthod neu'n rhoi caniatâd i apelio neu'n dweud ei fod yn gwrthod derbyn eich cais. Os ydych yn hwyr, rhaid i chi egluro pam yn **Rhan D** o'r ffurflen.

Achosion Cymhorthdal Incwm Os ydych yn gofyn am ganiatâd i apelio i'r Uwch Dribiwnlys gan fod y Tribiwnlys Haen Gyntaf (Nawdd Cymdeithasol a Chynnal Plant) wedi penderfynu y gallwch weithio, ac y bydd eich cymhorthdal incwm felly'n dod i ben, rhaid i chi ddweud wrth y swyddfa sy'n delio â'ch taliadau cymhorthdal incwm.

Yn y nodiadau hyn, mae "**achos cosb**" yn golygu achos credyd treth neu gronfa ymddiriedolaeth plant lle pennwyd cosb, e.e. am wneud datganiad anghywir drwy dwyll neu esgeulustod neu am beidio â chydymffurfio â chais i ddarparu gwybodaeth.

Cyn i chi ddefnyddio Ffurflen UT1

- Dylech ofyn am ddatganiad ysgrifenedig o resymau'r Tribiwnlys Haen Gyntaf dros ei benderfyniad.
- Rhaid i chi wneud cais i'r Tribiwnlys Haen Gyntaf am ganiatâd i apelio.

Dylech fod wedi cael gwybodaeth gan y Tribiwnlys Haen Gyntaf (Nawdd Cymdeithasol a Chynnal Plant) ynglŷn â sut a phryd i wneud cais am ddatganiad o resymau ac ynglŷn â sut a phryd i wneud cais i'r tribiwnlys hwnnw am ganiatâd i apelio.

Rhan A – Am y Ceisydd

Defnyddir y gair apelydd i ddisgrifio unigolyn sydd wedi cael caniatâd gan y Tribiwnlys Haen Gyntaf ac sydd yn awr yn apelio i'r Uwch Dribiwnlys. Rydym hefyd yn defnyddio'r gair i ddisgrifio unigolyn sy'n gofyn am ganiatâd i apelio i'r Uwch Dribiwnlys. Mae Ffurflen UT1 ar gyfer y ddau. Does dim gwahaniaeth pa un ydych chi.

Sylwer y gall yr apelydd fod yn blentyn neu'n rhywun arall sy'n methu â gweithredu drosto'i hun (e.e. oherwydd analluogrwydd meddyliol). Nodwch enw'r unigolyn hwnnw yn Rhan A ac enw ei apwyntai yn Rhan B.

Os ydych yn gwneud cais i wneud apêl neu apelio ar ran rhywun sydd wedi marw, dylech roi enw'r person hwnnw fel yr Apelydd ac ysgrifennu "(ymadawedig)" ar ôl ei gyfenw. Os yw'r cais neu'r apêl yn ymwneud â'ch cais am bensiwn gwraig weddw rhwch eich enw chi fel Apelydd yn hytrach nag enw'r ymadawedig.

Rhan B – Am unrhyw Apwyntai a/neu Gynrychiolydd

Mae "Apwyntai" yn unigolyn sydd wedi cael ei benodi i weithredu ar ran

- **plentyn**
- **rhywun arall sy'n methu â gweithredu drosto'i hun (e.e. oherwydd analluogrwydd meddyliol)**
- **rhywun sydd wedi marw.**

Os ydych yn gwneud y cais neu'r apêl ar ran hawlydd sydd ag apwyntai, rhwch enw'r hawlydd fel yr Apelydd yn Rhan A, hyd yn oed os yw wedi marw. Rhwch fanylion yr Apwyntai ar wahân yn y blychau a ddarperir yn Rhan B.

Os yw'r Apelydd yn analluog yn feddyliol i reoli ei faterion ariannol ei hun a bod dirprwy wedi cael ei benodi gan y Llys Gwarchod, neu, yn yr Alban, bod ystâd y Ceisydd neu'r Apelydd yn cael ei gweinyddu gan dderbynnydd cyfreithiol neu warcheidwad, rhwch enw'r derbynnydd, y derbynnydd cyfreithiol neu'r gwarcheidwad fel yr Apwyntai.

Dylech amgáu copi o'r ffurflen Penodiad i Weithredu (neu gopi o ddogfen yn profi bod derbynnydd, derbynnydd cyfreithiol neu warcheidwad wedi cael ei benodi) gyda'r **Ffurflen UT1**.

Mae "**Apwyntai**" yn wahanol i "**Gynrychiolydd**", sef rhywun sy'n helpu'r Apelydd, yn delio â'r ohebiaeth ac yn ei gynrychioli mewn unrhyw wrandawiad. Yn wir, gall Apwyntai gael Cynrychiolydd. Os oes gennych Gynrychiolydd, dylech roi ei fanylion yn y blychau a ddarperir yn **Rhan B**. Bydd Swyddfa'r Uwch Dribiwnlys wedyn yn gohebu â'ch cynrychiolydd yn unig.

Rhan C – Am y Tribiwnlys Haen Gyntaf a benderfynodd ynglŷn â'ch achos

Dylai lleoliad gwrandawiad y Tribiwnlys Haen Gyntaf (Nawdd Cymdeithasol a Chynnal Plant), dyddiad y penderfyniad a rhif eich achos i gyd fod ar yr hysbysiad o'r penderfyniad a'r datganiad ysgrifenedig o resymau.

Os nad oes gennych ddatganiad o resymau'r tribiwnlys, rhaid i chi egluro pam. Efallai y bydd modd i chi apelio heb gael datganiad o resymau, ond yn aml iawn mae'n amhosibl dangos bod y tribiwnlys yn groes i'r gyfraith os nad oes datganiad o resymau'r tribiwnlys.

Rhan D – Rhesymau dros unrhyw oedi

Dylech fod wedi gwneud cais i'r Tribiwnlys Haen Gyntaf (Nawdd Cymdeithasol a Chynnal Plant) am ganiatâd i apelio **cyn pen un mis** ar ôl cael datganiad ysgrifenedig o resymau'r tribiwnlys dros ei benderfyniad.

Dylech anfon neu fynd a'ch **cais am ganiatâd neu eich apêl ar Ffurflen UT1** i swyddfa'r Uwch Dribiwnlys a'i fod yn cyrraedd y swyddfa **cyn pen un mis** fan bellaf ar ôl y dyddiad yr anfonodd y Tribiwnlys Haen Gyntaf hysbysiad atoch, yn dweud ei fod yn gwrthod neu'n rhoi caniatâd i apelio neu'n dweud ei fod yn gwrthod derbyn eich cais.

Os ydych yn hwyr, rhaid i chi ofyn am amser ychwanegol ac egluro'r rheswm dros yr oedi yn **Rhan D** o'r ffurflen. Rhaid i chi roi rheswm da pam y dylai'r Uwch Dribiwnlys dderbyn eich cais neu'ch apêl. Os penderfynodd y Tribiwnlys Haen Gyntaf beidio â derbyn eich cais am ganiatâd i

apelio gan ei fod yn hwyr neu gan nad oedd gennych ddatganiad ysgrifenedig o resymau, ni fydd yn cael ei dderbyn oni bai bod yr Uwch Dribiwnlys yn credu y byddai gwneud hynny o fudd ar sail cyfiawnder. Beth bynnag yw'r amgylchiadau, rhaid i chi egluro'r rhesymau dros yr oedi. Mae'n bosibl y bydd yr Uwch Dribiwnlys yn ystyried hyd yr oedi, a materion eraill megis faint o arian sydd yn y fantol, pa mor bwysig y gallai'r achos fod, ac yn y blaen, felly gallwch gyfeirio at y rhain fel rhesymau hefyd. Defnyddiwch y blwch a ddarperir ar y ffurflen neu defnyddiwch ddarn arall o bapur os oes angen. Os ydych yn defnyddio darn arall o bapur, gwnewch yn siŵr bod eich enw arno.

Rhan E – Rhesymau dros Apelio

Rhaid i chi egluro pam rydych yn meddwl bod penderfyniad y Tribiwnlys Haen Gyntaf (Nawdd Cymdeithasol a Chynnal Plant) **yn groes i'r gyfraith** (ac eithrio mewn “**achos cosb**” pan nad ydych wedi cael eich cyfyngu i bwyntiau cyfreithiol).

Enghreifftiau o gamgymeriadau cyfreithiol yw:

- Ni chymhwysodd y tribiwnlys y gyfraith gywir neu dehonglodd y tribiwnlys y gyfraith yn anghywir.
- Gwnaeth y tribiwnlys wall trefniadol.
- Nid oedd gan y tribiwnlys dystiolaeth, neu nid oedd ganddo ddigon o dystiolaeth, i gefnogi ei benderfyniad.
- Ni roddodd y tribiwnlys resymau digonol (yn y datganiad ysgrifenedig o'i resymau).

Enghreifftiau yn unig yw'r rhain a gallai penderfyniad y Tribiwnlys Haen Gyntaf (Nawdd Cymdeithasol a Chynnal Plant) fod yn groes i'r gyfraith am ryw reswm arall. Dylech egluro mor fanwl ag y gallwch pam y mae'r penderfyniad **yn eich achos penodol chi** yn groes i'r gyfraith. Os nad ydych yn siŵr a oedd y tribiwnlys yn groes i'r gyfraith efallai y byddech yn hoffi cysylltu â chanolfan Cyngor ar Bopeth neu gynghorydd budd-daliadau lles arall, ond ni ddylech gymryd mwy o amser na'r **un mis** a ganiateir ar gyfer anfon eich **Ffurflen UT1**.

Bydd yr hyn rydych wedi'i ddweud ar **Ffurflen UT1** yn cael ei drin fel eich prif honiad yn yr apêl (hyd yn oed os mai dim ond gwneud cais am ganiatâd i apelio yr ydych yn awr). O ganlyniad, dylech wneud yn siŵr eich bod yn dweud popeth rydych yn dymuno'i ddweud yn awr. Ar y llaw arall, cofiwch y gallai honiadau byr a chlir fod yn fwy effeithiol na rhai hir, ailadroddus. Gallwch ddefnyddio darn arall o bapur os dymunwch, ond gwnewch yn siŵr bod eich enw llawn arno a'i fod yn cael ei anfon gyda'r ffurflen.

Rhan F – Cais am wrandawiad llafar o Gais

Os ydych yn gwneud cais i'r Uwch Dribiwnlys am ganiatâd i apelio a'ch bod chi neu eich cynrychiolydd yn dymuno ymddangos gerbron barnwr Uwch Dribiwnlys mewn **gwrandawiad llafar o'ch cais am ganiatâd i apelio**, llenwch y blychau perthnasol yn **Rhan F**.

Ni fydd barnwr yr Uwch Dribiwnlys yn caniatáu eich cais am wrandawiad llafar o reidrwydd. Os nad oes gwrandawiad llafar, bydd y barnwr yn defnyddio'r dogfennau i benderfynu a ddylid rhoi caniatâd i chi apelio ai peidio. Cynhelir gwrandawiadau yn Llundain, Caeredin, Caerdydd, Doncaster, Manceinion/Bury ac, ambell waith, mewn mannau eraill. Gellir cynnal gwrandawiadau hefyd drwy gyswllt fideo o nifer o leoedd. Anfonir mwy o wybodaeth atoch os bydd barnwr yr Uwch Dribiwnlys yn caniatáu eich cais am wrandawiad llafar.

Peidiwch â llenwi'r blychau sy'n ymwneud â gwrandawiad llafar os yw'r Tribiwnlys Haen Gyntaf wedi rhoi caniatâd i chi apelio. Os ydych wedi cael caniatâd i apelio, neu os rhoddir caniatâd i chi apelio gan yr Uwch Dribiwnlys, byddwch yn cael cyfle i ofyn am **wrandawiad llafar o'ch apêl** yn nes ymlaen.

Rhan G – Cais / Apêl i'r Uwch Dribiwnlys

Hyd yn oed os oes gennych gynrychiolydd, rhaid i'r Apelydd neu'r Apwyntai llofnodi'r ffurflen yn bersonol yn Rhan G. Cymerir eich llofnod fel awdurdod i'r cynrychiolydd a enwir yn Rhan B weithredu ar eich rhan. Yr unig eithriad i'r rheol hon yw lle bo'r cynrychiolydd yn gyfreithiwr. Cymerir yn ganiataol bod cyfreithiwr yn gweithredu ar gyfarwyddiadau ac y gall llofnodi'r furflen ar ran yr Apelydd neu'r Apwyntai.

Anfon Ffurflen UT1 i un o Swyddfeydd yr Uwch Dribiwnlys

Cadwch y nodiadau hyn mewn lle diogel fel bod gennych gofnod o gyfeiriad Swyddfa berthnasol yr Uwch Dribiwnlys.

Anfonwch **Ffurflen UT1**, a'r dogfennau a restrir ar ddiwedd y ffurflen, i Swyddfa briodol yr Uwch Dribiwnlys cyn pen y **mis** a ganiateir (gweler y nodiadau i **Ran D** uchod). Ticiwch y blychau ar y ffurflen i nodi eich bod wedi amgáu'r dogfennau amrywiol, ond os nad oes gennych unrhyw un ohonynt peidiwch ag oedi. Eglurwch pa rai a'r rhesymau am hynny.

Os ydych yn hwyr, mae'n dal yn bosibl i chi anfon eich ffurflen i'r swyddfa ond rhaid i chi egluro'r rhesymau dros yr oedi yn **Rhan D** o'r ffurflen.

Os cynhaliwyd gwrandawriad y Tribiwnlys Haen Gyntaf yn Lloegr, anfonwch y ffurflen i –

The Upper Tribunal (Administrative Appeals Chamber), 5 th Floor Rolls Building, 7 Rolls Buildings, Fetter Lane, London, EC4A 1NL. .	Ffôn:	020 7071 5662
	Ffacs:	0870 3240028
	Type Talk:	18001 020 7071 5662
	DX 0012 London/ Chancery Lane:	

Os cynhaliwyd gwrandawriad y Tribiwnlys Haen Gyntaf yng Nghymru, neu os ydych yn byw yng Nghymru, gallwch anfon y ffurflen i'r cyfeiriad yn Llundain, neu i –

Siambr Apeliadau Gweinyddol yr Uwch Dribiwnlys (Cymru) Canolfan y Llysoedd Sifil 2 Park Street Caerdydd CF10 1ET.	Ffôn:	02920 662257
	Ffacs:	02920 376461

Os cynhaliwyd gwrandawriad y Tribiwnlys Haen Gyntaf yn yr Alban, anfonwch y ffurflen i –

The Office of the Administrative Appeal Chamber of the Upper Tribunal in Scotland George House, 126 George Street, Edinburgh EH2 4HH	Ffôn:	0131 271 4370
	Ffacs:	0131 271 4398

Rhaid i chi amgáu'r dogfennau a restrir ar ddiwedd y ffurflen. Os nad ydych yn anfon y dogfennau mae'n bosibl y bydd oedi gyda'ch cais neu'ch apêl neu y swyddfa'n penderfynu peidio â derbyn y cais neu'r apêl.

Cysylltwch â'r swyddfa os nad ydych yn cael eich hysbysu cyn pen wythnos bod y ffurflen wedi cyrraedd y swyddfa.